

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALANO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KT 0060292 24  
Zenica, 03.12.2024. godine**

**HITNO PRITVOR!**

**KANTONALNI SUD U ZENICI  
- Sudiji za prethodno saslušanje –**

**Z E N I C A**

Na osnovu čl. 45. st. 2. t. h), čl. 241. st. 1. i čl. 242. st. 1. ZKP FBiH, podižem

**O P T U Ž N I C U**

**Protiv :**

**S. A., , nalazi se u pritvoru po Rješenju Kantonalnog suda u Zenici od 11.09.2024. godine i koji traje od 09.09.2024. godine od 19,40 sati do 09.10.2024. godine do 19,40 sati i koji je produžen Rješenjem Kantonalnog suda u Zenici od 25.10.2024. godine i koji traje do 07.12.2024. godine,**

**što je:**

dana 09.09.2024. godine oko 19,00 sati, na području grada Zenice, u mjestu Š., došao u porodičnu kuću svoje djevojke A. N., pa kada je nakon razgovora sa N. i njenom majkom A. Š. na prvom spratu kuće došao sa istima u verbalni konflikt zbog toga što se njena majka A. Š. protivila emotivnoj vezi njene kćerke N. sa A., otišao u kuhinju iz dnevnog boravka gdje je sjedio sa njih dvije, odakle je uzeo kuhinjski nož dužine oštrice 13,5 cm sa drvenom drškom smeđe boje, pa iako je bio svjestan da ovakvim opasnim oruđem zadajući udarce u vitalne dijelove tijela istu može usmrtiti, a što je i htio, iznenada i neočekivano prišao oštećenoj A. Š. i zadao joj ubodnu ranu nožem na stražnjem zidu grudnog koša ispod lijeve lopatice sa prodiranjem u grudnu šupljinu uz posljedično krvarenje u grudnu šupljinu i krvarenje u srčanu kesu te prodiranje zraka u grudnu šupljinu, te rezne rane u predjelu areole desne dojke, ispod desne dojke, reznu ranu u predjelu obje nadlaktice i predjelu ispod desne lakatne regije i na obje šake, na koji način su oštećenoj nanesene teške tjelesne povrede opasne po život u vidu ubodne rane na stražnjem zidu grudnog koša ispod lijeve lopatice sa prodiranjem u grudnu šupljinu uz posljedično krvarenje u grudnu šupljinu i krvarenje u srčanu kesu te prodiranje zraka u grudnu šupljinu, nakon čega je oštećena A. Š. uspjela da dođe do ulaznih vrata prizemlja kuće gdje živi njena svekrva A.S., koja joj je otvorila vrata gdje je potom oštećena pala na pod,

dakle, pokušao drugog lišiti života

čime je počinio krivično djelo ubistvo iz člana 166. stav 1. u vezi sa članom 28. KZ F BiH,